

BANCO DE TEMPO ADR PRODER II – COMARCA DE PONTEVEDRA.

O Banco de Tempo (BdT) é unha iniciativa sen fins de lucro, impulsada e coordinada pola Asociación de Desenvolvimento Rural PRODER II – Comarca de Pontevedra (en adiante ADR) para os Concellos de Barro, Marin, Poio, Ponte Caldelas, Pontevedra e Vilaboa.

O Banco de Tempo da Comarca de Pontevedra, permite poder afrontar a organización do tempo dos/as cidadáns/ás con criterios de sostenibilidade, en especial das mulleres.

Mediante o intercambio deste tipo de experiencias foméntanse a igualdade, a solidariedade, o altruismo, a integración social, mellora das relacións inter persoais, a autoestima, o autoconcepto, a xustiza social...etc, é un xeito de participación social da cidadanía baseado nos principios de reciprocidade, confianza e axuda mútua. Por iso o Banco de Tempo contribúe a crear vínculos sociais entre a cidadanía dunha mesma comunidade e fomenta a integración da mesma na medida en que toda a comunidade pode acceder aos mesmos servizos.

A posibilidade de conciliar vida familiar, laboral e persoal, está directamente relacionada coa administración e usos do tempo, tendo presente o tempo como recurso para o desenvolvemento persoal e para a calidade de vida.

QUÉ O BANCO DE TEMPO

O Banco de Tempo é unha rede de colaboración entre particulares, intercambiándose servizos entre os/as seus participantes, tendo como unidade de cambio a hora de tempo.

OBXECTIVOS

Promover e incentivar os intercambios gratuitos de servizos entre as persoas, dando a oportunidade para que éstas se coñezan, relacionen e confíen nos demais para poder resolver as necesidades da vida diaria levando a cabo actividades satisfactorias.

CÓMO FUNCIONA

As persoas depositan unhas horas de tempo ofrecendo un servizo que queren dar e, a cambio, solicitan tempo doutra ou doutras persoas para alguma necesidade/s que teñan. Nunca poderá existir unha relación económica entre os/as participantes.

A QUEN VAI DIRIXIDO

A homes e mulleres maiores de idade que estean interesados/as en ofrecer e demandar servizos (intercambiar).

TIPOS DE INTERCAMBIOS

Agrúpanse en diversas categorías, algunas delas son:

- Formación e educación (accións puntuais para a adquisición de coñecementos)
- Xestións administrativas (axudar na preparación de papeis burocráticos e administrativos)
- Atención ás persoas (acompañamento as persoas en xeral, compartindo tempo de lecer...etc)
- Tarefas domésticas (axudas nas tarefas relacionadas co coidado e mantemento do fogar..)
- Informática (asesoramento e adquisición de coñecementos a nivel informático..)
- Transporte (actividades e tarefas referidas ao traslado en vehículo...)
- Etc....

por exemplo:

"Xoán leva a traballar a María no seu coche"

"María acompaña a Facundo a buscar as receitas ao médico de cabeceira"

"Facundo contaelle contos a filla pequena de Luis ao saíres da escola"

"Luis ensina a Pedro a facer as labores do fogar"

"Pedro ensina a Hortensia a navegar pola rede"

"Hortensia ensina a Cristina a mercar peixe no mercado"

CÓMO FORMAR PARTE

Calquer persoa interesada pode inscribirse (de xeito gratuito) na sede da Secretaría Xeral do Banco de Tempo, localizada en ADR PRODER II – Comarca de Pontevedra, na rúa Santa Clara 4 – 2º , 36 002 de Pontevedra. Teléfono: 986 10.81.44 /Fax: 986 10.80.09

Sitio Web: www.adrproderpontevedra.org; e enderezo electrónico:
bancodetempo@mundo-r.com. Entrevistándose coas Axentes de Tempo do BdT da ADR Clara Dias Ponte e Herminia Díos Poceiro, Axente de Tempo do Concello de Marin.
bancodetempo@concellodemarin.es

